

Gradonačelnik

Na osnovu člana 65. Statuta Grada Sarajeva ("Službene novine Kantona Sarajevo", br. 12/98 i 14/98) i člana 19. Odluke o Gradskoj upravi ("Službene novine Kantona Sarajevo", br. 2/99 i 20/00), gradonačelnik Sarajeva, donosi

ODLUKU**O IMENOVANJU SAVJETA GRADONAČELNIKA
GRADA SARAJEVA ZA OMLADINU****I**

Imenuje se "Savjet gradonačelnika Grada Sarajeva za omladinu" u sastavu:

1. JASMIN KURJAKOVIĆ
2. AJŠA BAJRAKTAREVIĆ

3. ERMINA PORČA
4. DENIS DEDAJIĆ
5. JAN ZLATAN KULENOVIĆ
6. TAIDA HOROZOVIĆ
7. RENATO ZRNIĆ
8. SAMIR LAGARIJA
9. JOVANA MUSIĆ

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-120/03
16. januara 2003. godine
Sarajevo

Gradonačelnik
Grada Sarajeva
dr. **Muhidin Hamamdžić**, s. r.

OPĆINA ILIJAŠ**Načelnik**

Na osnovu člana 25. stav 3. Zakona o ustanovama ("Službeni list RBiH", br. 6/92, 8/93 i 13/94), člana 11. Odluke o osnivanju ustanove "Kulturno-sportski centar i Radio Ilijaš" ("Službene novine Kantona Sarajevo", broj 2/00) i člana 57. Statuta Općine Ilijaš ("Službene novine Kantona Sarajevo", br. 7/98 i 9/01), načelnik Općine Ilijaš, donosi

RJEŠENJE**O RAZRJEŠENJU PREDSEDNIKA I ČLANOVA
UPRAVNOG ODBORA USTANOVE
"KULTURNO-SPORTSKI CENTAR I RADIO ILIJAŠ"****I**

Razrješavaju se dužnosti predsjednik i članovi Upravnog odbora ustanove "Kulturno-sportski centar i Radio Ilijaš", imenovani rješenjem broj 01-II-40-2098/01 od 24. jula 2001. godine:

1. MUSTAFA KAHRIMAN - predsjednik,
2. ABDULKERIM KOVAČEVIĆ - član,
3. ZDENKA RUŽIĆ - član,
4. OSMAN BUČUK - član,
5. SEMIR SPAHIĆ - član.

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-II-40-4499/02
31. decembra 2002. godine
Ilijaš

Općinski načelnik
Nusret Mašić, s. r.

Na osnovu člana 25. stav 3. Zakona o ustanovama ("Službeni list RBiH", br. 6/92, 8/93 i 13/94), člana 11. Odluke o osnivanju ustanove "Kulturno-sportski centar i Radio Ilijaš" ("Službene novine Kantona Sarajevo", broj 2/00) i člana 57. Statuta Općine Ilijaš ("Službene novine Kantona Sarajevo", br. 7/98 i 9/01), načelnik Općine Ilijaš, donosi

RJEŠENJE**O IMENOVANJU PREDSEDNIKA I ČLANOVA
UPRAVNOG ODBORA USTANOVE
"KULTURNO-SPORTSKI CENTAR I RADIO ILIJAŠ"****I**

Za predsjednika i članove Upravnog odbora ustanove "Kulturno-sportski centar i Radio Ilijaš" imenuju se:

1. MUSTAFA KAHRIMAN - predsjednik,
2. ABDULKERIM KOVAČEVIĆ - član,
3. SNEŽANA ODOVIĆ - član.

II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-II-40-4500/02
1. januara 2003. godine
Ilijaš

Općinski načelnik
Nusret Mašić, s. r.

OPĆINA NOVI GRAD**Gradsko vijeće**

Na osnovu člana 9. Zakona o lokalnoj samoupravi ("Službene novine Kantona Sarajevo", br. 19/97 i 14/00), čl. 49. i 56. Zakona o prostornom uređenju ("Službene novine Kantona Sarajevo" br. 13/99 i 19/99) i člana 32. Statuta Općine Novi grad Sarajevo ("Službene novine Kantona Sarajevo", broj 13/01-

prečišćeni tekst), Općinsko vijeće Novi grad Sarajevo, na 27. sjednici održanoj 31. decembra 2002. godine, donijelo je

ODLUKU
O PRISTUPANJU IZRADI URBANISTIČKOG
PROJEKTA "MEMORIJALNI MUZEJ OPSADE GRADA
SARAJEVA NA LOKALITETU TUNELA
D-B DOBRINJA-BUTMIR"

Član 1.

Pristupa se izradi Urbanističkog projekta "Memorijalni muzej opsade Grada Sarajeva na lokalitetu Tunela D-B, Dobrinja - Butmir" (u daljem tekstu: Plan).

Član 2.

Izradi Plana prethodi izrada Projektnog programa za izradu urbanističkog projekta. Projektni program za izradu urbanističkog projekta razmatra i donosi Općinsko vijeće Novi grad Sarajevo, kao i Općinsko vijeće Ilidža uz prethodno pribavljeno mišljenje općinskih načelnika.

Član 3.

Granica obuhvata počinje sa tačke broj 1 koja se nalazi na medi između parcela k.č. 201 i 203 K.O. Butmir općina Ilidža udaljenoj od četveromede parcela k.č. 200, 202, 203 i 201 34 m, ide na sjeveroistok međama parcela k.č. 203 i 202 (obuhvata ih), presijeca put k.č. 1664/2 K.O. Butmir općina Ilidža i dolazi do tromede parcela k.č. 1664/2 K.O. Butmir općina Ilidža, 2559 i 2561 K.O. Dobrinja općina Novi Grad, nastavlja na sjeveroistok idući međama parcela k.č. 2561 i 2570//1 K.O. Dobrinja (obuhvata ih), presijeca put k.č. 3182 i nastavlja na sjeveroistok idući međom parcele k.č. 2570/9 (obuhvata je), nastavlja u pravoj liniji na sjeveroistok sijekuci put k.č. 2489/1 te prolazi između stambenih objekata k.č. 2557/1 i 2564/1 (obuhvata ga) te dolazi do tačke broj 2 koja je udaljena od jugozapadnog ishodišta lista R=1:1000 broj 281 po y= 170 m a po x= 116 m, lomi se idući na jugoistok u pravoj liniji te dolazi do tačke broj 3 koja se nalazi na sjevernoj strani ulice Hakije Turajlića k.č. 2568/6, ide na jugoistok ulicom Hakije Turajlića k.č. 2568/6 (obuhvata je) skreće na sjeveroistok idući sjeverozapadnom stranom parkinga k.č. 2582/1 (obuhvata ga) i izlazi na ulicu Rudija Alvada k.č. 2574/5, kojom produžava na jugoistok (obuhvata je) i dolazi do njenog raskršća sa ulicom Hakije Turajlića k.č. 2568/6 kojom se lomi idući na zapad te sjeverozapad (obuhvata je), skreće na jugozapad idući međama parcela k.č. 2579/1 i 2580/1 (ne obuhvata ih), presijeca ulicu za Aerodrom k.č. 3182 i nastavlja na jugozapad idući jugoistočnom međom parcele k.č. 2573 (obuhvata je) u dužini od 47,5 m, lomi se idući na sjeverozapad u pravoj liniji sijekuci parcele k.č. 2573, 2572/2 i 2563 te dolazi do jugoistočnog ruba parcele k.č. 2570/16, lomi se idući na jugozapad međama parcela k.č. 2563 i 2562 koje ne obuhvata K.O. Dobrinja općina Novi Grad, presijeca put k.č. 1664/2 te dolazi do tromede parcela k.č. 212/1, 210/1 i 1664/2 (put) K.O. Butmir, produžava na jug te jugozapad idući zaštitnim koridorom uz Tunel (zaštitni koridor iznosi 50 m lijevo i desno od osovine), skreće na jugoistok idući u prvoj liniji i dolazi do tromede parcela k.č. 791, 792 i 793 K.O. Butmir, produžava na jugoistok te jugozapad idući međom parcele k.č. 793 (obuhvata je) te putem k.č. 1668 produžava na sjeverozapad, lomi se idući na jugozapad međom parcele k.č. 1139, skreće na sjeverozapad idući međom parcele k.č. 1139 (obuhvata je), presijeca u pravoj liniji parcelu k.č. 1141 te dolazi na jugoistočni rub parcele k.č. 1143, produžava na sjeverozapad idući južnom međom parcele k.č. 1143 (obuhvata je), nastavlja u pravoj liniji u istom pravcu idući preko parcele k.č. 1145 i dolazi do tačke broj 4 koja se nalazi na medi između parcele k.č. 1145 i 1150 udaljenoj od tromede

parcele, k.č. 1145, 1150 i 1668 27 m, produžava na sjeveroistok idući međom parcele k.č. 1145 (obuhvata je) presijeca put k.č. 1668 i nastavlja na sjeveroistok te sjever idući zaštitnim pojaseom uz "Tunerl" (zaštitni pojas iznosi 50 m lijevo i desno od osovine te dolazi do tačke broj 1 odnosno mjesta odakle je opis granice i počeo.

Sve naprijed navedene parcele nalaze se u K.O. Dobrinja općine Novi Grad i Butmir općine Ilidža.

Ukupna površina obuhvata iznosi 9,7 ha.

Konačni opis granice Urbanističkog projekta (Plana) utvrdit će se Projektnim programom za izradu ovog urbanističkog projekta i Odlukom o provođenju urbanističkog projekta (Plana).

Član 4.

Odluku o pristupanju izradi Plana, kao i odluku o usvajanju Plana, donose zajednički Općina Ilidža i Općina Novi grad Sarajevo jer područje planiranja zahvata dijelove teritorija obje općine.

Član 5.

Rok za izradu Plana je sedam (7) mjeseci od dana donošenja ove odluke.

Član 6.

Sredstva potrebna za realizaciju poslova putem vanjske saradnje institucija i eksperata obezbijedit će Vlada Kantona Sarajevo iz budžeta za 2003. godinu.

Procjena troškova iz prethodnog stava je 30.000,00 KM.

Član 7.

Nosioci pripreme Plana su načelnik Općine Ilidža i načelnik Općine Novi grad Sarajevo (u daljem tekstu: Nosioci pripreme Plana).

Nosilac izrade Plana je Zavod za planiranje razvoja Kantona Sarajevo (u daljem tekstu: Nosilac izrade Plana).

Nosioci pripreme Plana će posebnom odlukom formirati komisiju - stručno savjetodavno tijelo za praćenje pripreme i izrade Plana, stručnu ocjenu pojedinih faza Plana i koordinaciju svih subjekata planiranja.

Član 8.

Nosioci pripreme Plana utvrđuju Nacrt Plana te ga podnose općinskim vijećima na razmatranje i stavljanje na javni uvid i raspravu u trajanju od 30 dana.

Na osnovu rezultata javne rasprave o nacrtu Plana, nosioci pripreme Plana utvrđuju prijedlog Plana i podnose ga općinskim vijećima na donošenje.

Uz prijedlog Plana, nosioci pripreme Plana dužni su općinskim vijećima dostaviti, uz obrazloženje, prijedloge i mišljenja na nacrt Plana koji nisu mogli biti usvojeni.

Član 9.

Subjekti planiranja su: Općina Ilidža, Općina Novi grad Sarajevo, Kantonalni Zavod za zaštitu kulturno-historijskog i prirodnog naslijeđa Sarajevo, Muzej Sarajeva, Zavod za izgradnju Kantona Sarajevo, Ministarstvo prostornog uređenja i zaštite okoliša, Ministarstvo prometa i komunikacija, Ministarstvo kulture i sporta - Kantona Sarajevo, Federalna direkcija za civilnu avijaciju, Federalno ministarstvo odbrane, Međunarodni aerodrom Sarajevo, te javna i javna komunalna preduzeća, vlasnici i korisnici prostora, mjesna zajednica, drugi zainteresirani subjekti i potencijalni investitori i korisnici prostora.

Član 10.

Utvrđuje se režim zabrane građenja na području koje je obuhvaćeno Planom do donošenja plana.

Član 11.

Sastavni dio ove odluke je grafički prilog - prostorni obuhvat Plana prema opisu datom u članu 3. ove odluke.

Član 12.

Ovom odlukom stavlja se van snage Odluka o pristupanju izradi urbanističkog projekta "Memorijalni muzej opsade Grada Sarajeva na lokalitetu tunela D-B Dobrinja-Butmir", objavljena u "Službenim novinama Kantona Sarajevo", broj 29/02.

Član 13.

Ova odluka stupa na snagu osam dana od dana objavljivanja u "Službenim novinama Kantona Sarajevo".

Broj 01-02-197/21
30. decembra 2002. godine
Sarajevo

Predsjedavajući
Općinskog vijeća
Esad Jelesković, s. r.

URBANISTIČKI PROJEKAT
"MEMORIJALNI MUZEJ OPSADE GRADA SARAJEVA NA LOKALITETU
TUNELA D-B DOBRINJA-BUTMIR"

